



Bou ons kinders vir môre

Voor-Sondagskool

Les Titel: Jesus reinig die tempel

'n Ouerhandleiding

Sondagskooltuisonderrig



Liewe Ouer

Welkom by die les oor Jesus reinig die tempel

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of op die volgende WhatsApp-skakel te druk: https://bit.ly/3NACSSHS
2.	<p>Versamel die volgende hulpmiddels om te verseker dat u vir die les gereed is:</p> <ul style="list-style-type: none">• Bybel• Die les in PDF-formaat wat reeds voorberei is• Kind se werkboek, potlode, kryte, ens.• Die kort video, wat 'n addisionele / opsionele hulpmiddel is• Kategismus en Vrae en Antwoorde (veral vir Konfirmasie) <p>Nota:</p> <p>2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou.</p> <p>2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie.</p> <p>2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)).</p> <p>2.4: Kontak gerus u Konfirmasie-onderwyser indien u ondersteuning vereis of bogenoemde hulpbronne benodig.</p>
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus reinig die tempel
Bybelwoord	Johannes 2 vers 13-25
Lesdoelwit	Die kinders leer dat God se huis 'n spesiale plek is, 'n plek waar God aktief is.

Lesopsomming:

- Net voordat die Paasfees sou begin, het Jesus na Jerusalem gegaan.
- Jesus besoek die tempel en aanvanklik is Hy baie bly dat daar soveel mense in die tempel is.
- Toe hy op die tempelgrond rondloop, let Hy op dat mense goedere koop en verkoop en dat daar selfs diere in die tempel rondloop. Party mense het kaart gespeel en het oor geld gestry.
- Dit het Jesus regtig baie ontstel. Sy dissipels het Jesus nog nooit so kwaad gesien nie.
- Jesus jaag die diere uit die tempel en in sy woede gooi Hy die tafels om en sê vir die dissipels en die mense dat die tempel nie 'n mark is nie. Dit is 'n spesiale plek, dit is God se huis. Ons moet God se tempel respekteer - dit is 'n plek van aanbidding.
- Nadat almal die tempel verlaat het en Jesus tevrede was dat die dissipels en die mense verstaan het wat Hy hulle geleer het, het Jesus vertrek en terug na Betanië gereis.

Wat beteken hierdie les vandag vir ons?

- God se huis is 'n spesiale plek - 'n plek waar God aktief is.
- Ons moet respek toon en ook God se huis liefhê.
- God se huis is 'n plek waar ons gaan om God se woord te hoor, om vergifnis van sonde te kry en aan Heilige Nagmaal deel te neem.
- Ons sien ook al ons vriende by die kerk en geniet die tyd wat ons met ons Sondagskoolonderwyser deurbring. Dit is 'n spesiale plek waar ons kan deel in samesyn met ons broers en susters.



Sommige vrae wat ons kan vra:

1. Weet u hoe ons kan wys dat ons God se huis respekteer?

Antwoord:

- Deur stil te sit en luister na ons priester, ons gemeenteleier of ons apostel terwyl hy preek
- Deur rustig op te gaan vir Heilige Nagmaal en ons hande te vou om Heilige Nagmaal te ontvang
- Deur na ons diensknegte en Sondagskoolonderwysers te luister
- Deur nie sneesdoekies of lekkergoedpapiere op die banke te los nie – ons moet dit liever in die vullisblik gooi

2. Hoe kan ons vir God wys dat ons Hom respekteer?

Antwoord:

- Deur elke dag te bid en nie net wanneer ons iets wil hê nie
- Deur meer en meer oor die lewe van Jesus te leer en deur ons Bybel te lees

3. Hoe kan ons tuis respek toon?

Antwoord:

- Deur na ons ouers te luister as hulle praat
- Deur ons kamers netjies te hou
- Deur altyd ons ouers te groet
- Deur altyd te onthou om asseblief en dankie te sê
- o Deur ons ouers, broers en susters en ons hele familie lief te hê



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te gaan haal

En mag ons gereed wees om Hom te ontmoet

Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam.
Amen.